

古蹟志

昔賢流芳百世不泯運土行之空想官廬<sup>巽</sup>酌隱之之泉尙留古井  
後人聞風馨慕真有恨不同時者後之視今猶今之視昔一碑一碣  
不勝其愛護珍惜矣作古蹟

鐘潭 離縣西南四十里在瑞雲山下隆興寺旁相傳昔時寺廢佛  
像遂委潭內其鐘飛入覆之土人善水者往往下見鐘紐每欲決水  
取之輒遇風雨潦長而止

城址

從化城址 據張府志從化縣城在橫潭墟今屬獅嶺巡檢分治其  
城隍廟儒學地屋及故城基址猶存

按從化縣地明以前屬番禺縣宏治九年始析置從化縣想其始  
必築於此後遷建

名勝

紗帽嶺文閣在縣城東南一里餘於咸豐年間由邑令張崇恪創建  
其門額爲張令所題第一層題曰臺閣初階第二層題曰經文緯武

花縣志

卷十一

古蹟志 城址 名勝

一

第三層題曰筆花綉彩其門聯是男爵駱秉章所撰題曰雲連蓬島  
三千界地占花城第一峯均駱秉章手筆山腰有八角亭名曰坐花  
亭又一亭曰且憩亭均張令題以比召伯也

百步梯在縣城北十三里許有三百六十餘級全用長方石砌成上  
有涼亭一座於道光二十年由邑令包錦燦修建且立一匾題曰且  
歇歇並撰有柱聯題曰一亭俯覽羣山吃緊關頭須要認真岔路兩  
脚不離大道站高地步自然趕上前人又邑舉人游鰲撰有柱聯曰  
暫息于斯亭拔千尋真勝境遄征至此梯傳百步是康衢百步梯脚  
路旁有秋風樹一株春天落葉秋天發榮滋長包縣令修建百步梯  
時見秋風樹獨異即在秋風樹脚創建石廟一座并撰一聯題曰來  
往普沾德澤周旋永錫秋風

鷓鴣髻山在城東三十里羣山高聳矗立雲際遠望形如鷓鴣故名  
於光緒十二年由事首羅經畚等勸捐在山中創建神廟一座名曰  
雲山宮宮下有石室石室內有山中大王四字天然生於石上中有  
八景一曰仙人試劍石二曰所龜負寶石三曰磨石四曰杯石五曰

硯石六曰旗鼓石七曰定天平石八曰龍泉噴水均奇異無匹幽雅異常洵天然景色也近來士民多聯袂前往遊玩咸稱爲吾邑第一名勝云

飛鼠巖 在水口村稅田內巖內海闊約一丈宛若小屋有好事者置觀音像於此朝夕供奉香煙巖內形旁各有小洞不知其深淺石湖村湯幹周曾燃燭十餘枝匍匐而入至最狹處止留湯幹周曾至此之銀牌而返相傳謂其洞通至南海象山村一云至南海金山寺兩洞常有源泉流出可灌田頃餘自開採石礦後其水始緩

#### 花城八景

盤古煙霞 盤古洞名在縣東北二十五里萬山中朝暮雨晴煙霞鎖護太初景象彷彿猶存故老相傳中有仙人窟宅云

百丈晴巒 城北四里環邑皆山百丈更高入雲際卽縣治之祖龍也俯視羣山蒼翠萬狀

雙峰朝旭 縣西五十里俗名丫髻兩峰挿天縣西南最高處也旭日初升紅光掩映較他處所觀尤勝上有仙女壇旱祈立應

#### 花縣志

#### 卷十一 古蹟志 八景

一一

西山瀑布 縣東北二十里往時人跡罕至幽勝莫傳邑令王永名搜奇得此

橫潭夜月 縣西南三十五里月出東山上下空明一望無際

烏石幽奇 縣西南六十五里望之如墨外實中虛遊者多託足焉環秀松風 邑東門外山高十餘仞百丈之分友也千巖萬壑一望

都收松影森森濤聲謾謾邑令王永名構亭其上題曰環秀

巴江煙雨 縣西南五十里兩山對峙一水中流煙散雨收清爽可挹

#### 靈異

龍潭 去縣西南五十里在橫潭海口中有神龍以時而見見則居人必有登科甲者徵應歷歷不爽

更鼓石 去縣西四十里在馮村地面山中一石高懸如鼓遇有山賊嘯聚用兵征剿則此石夜鳴居民甌釜皆嚮故謂之更鼓石云  
伏虎石 去縣西北八里高奇磊落碑碣天然邑令王永名因地多虎患爲民告之且勒銘其上由是虎皆遠竄民物咸安衆以伏虎

名焉

白水磔 一名西山瀑布爲縣屬八景之一在縣城西二十餘里其上設壇供奉龍王其水由壇前直瀉而下如一幅白布長約數十丈遠近皆見下有一潭青深無匹人稱該潭有數十丈深時發出一種如洪鐘之聲可聞二十里當久晴之時一聞該處發出洪鐘之聲則知天必大降甘霖當久雨之候一聞該處發出洪鐘之聲則知天必大放晴光十測九驗此亦靈異之事聞之父老曰天時不齊每患水旱之災四鄉人民親詣龍王壇前祈晴禱雨者均甚靈驗因此處係屬仙境其石上有一仙人足跡爲証故嶺巔上有一仙人騎鶴名山云

馬溪祥異 馬溪村林族後崗有石筍一根月郎夜深紅光熠熠里人疊石成廟新年卜事多獲奇驗或曰山鬼式憑假稱珍怪智者不言

仙蹟 天心塘村長排嶺有立方大石丈餘中有仙人腳跡以排錢尺量之長二尺一寸闊八寸深五寸脚指五隻顯然可見且該跡

花縣志

卷十一

古蹟志 靈異 寺觀

三

湖週年蓄水久旱不乾俗稱爲有仙蹟在焉

响鼓嶺 上古嶺村慶賞亭之西南約一里許有水口嶺一隻其形如鼓相傳該嶺鼓於元旦及慶賀期間隆隆然發聲故上古嶺前稱爲响鼓嶺云

石屋 鷓鴣髻雲山宮之東毘連有大石兩面長闊相等和合相併儼如屋宇來往遊客可以入內參觀中有清泉一穴甚爲新鮮源流滾滾從無間斷其旁立有井泉龍王石附近山上前往飲水而拜祀者絡繹不絕石屋內顯有山中大王一字大約平方四尺從東而行又有大礮石一座儼若週年礮漿故大王降乩詩云有礮石漿流非巧妙龍泉水噴甚新鮮之句又有仙人試劍石兩石分離到底儼如刀切故大王降乩詩云有試劍就將何所試石中一破永名留之句

寺觀

隆興古寺 在瑞雲山下相傳寺創於唐重修於元殘碑斷碣僅餘片石其可識者有云四百年來古復今歷盡春秋幾寒暑雅表禪師巨眼翁逢緣來作山中主康熙元年修復

笠峯菴 離城五十五里在水口村

鷺嶺古寺 在城西一里許於康熙二十五年建立縣治時由邑令王永名會同闔邑紳士創建至康熙四十四年乙酉重修邑令施允中撰立碑記

平山寺 離縣一十六里在平山村

茶亭寺 離縣一十二里在兩龍墟有記

仙釋附

明代雷峰天然禪師 師本姓曾名起莘字宅師縣屬吉逕人少負才名年二十五舉崇禎癸酉鄉薦榜發日方歌鹿鳴卽自念曰登科誠亦盛事今日殊覺索然雖使我魁天下爲卿相正亦不過爾爾公謙未徹已作出世間想矣甲戌不第有某愛其才贖以金帛比過南都悉購內典歸則斷欲持戒覃心宗乘丁丑再上公車至江西豁然有省遂入匡廬祝髮年始二十有九後得法於華首空隱和尚更名函是父母姊妹妻子咸爲僧尼甲申乙酉聞始開叢席說法詞林繼隱雷峯復住匡廬棲賢歸宗諸刹時佛法濫觴

花縣志

卷十一

古蹟志 仙釋附 墳墓 四

惟師門風孤峻與諸方異所至士大夫翕然宗之嗣法弟子阿字今無石鑿今睨澹歸今釋樂說今辨塵異今旦尤最著者晚年自以匡廬宿因辭衆度嶺比返雷峯未幾示寂丙辰三月預知時事至書偈不畢擲筆而逝年七十八先是師祝髮時天下尙安士皆急於功名師以年少孝廉毅然出家人多怪之旣而事易時移四方鼎沸縉紳遺老才俊名士有托而逃禪者并出其門則又群謂師有先見云著有楞伽心印

墳墓

陳機宜墓 名璽銅陵人仕宋爲機宜文字從端宗入粵家於廣州卒葬巴油山其子名大謨仕元爲樞密副使卒亦葬此今其遺裔散居南海順德稱繁衍云

王公墓 在邑之老鼠崗其卒葬年月不可考但聞父老相傳此山爲王公山又云爲城隍爺山土人逼近侵葬如荒塚然光緒甲午鄒公翼清宰花縣邑舉人宋士伸呈請鄒公調查王公山事實鄒公飭役行查數月未覆鄒公解組祝公掄望接任宋士伸據情再請祝公

嚴飭縣役親到該處地方調查旋據詳報王公山碑文殘缺止有王字名字三韓字差可辨認証諸邑志知此山原係開縣王公永名之墓祝公於是召集邑中士夫公同議決捐欸修葺祝公撰有王公墓記

### 坊表

#### 進士坊

- 一在省舊南海金剛庵前嘉靖元年畢廷拱建
- 一在畢村市南庄公祠前

資政大夫坊 同治二年徐德魁立在三華鄉中華里資政大夫祠內

#### 節孝坊

- 一在炭步墟道光九年步雲閣李國球之妻任氏建
- 一在獅嶺前乾隆三十六年邱建廷之妻建
- 一在畢村
- 一在炭步墟光緒十三年步雲閣李汝昌之妻程氏建

## 花縣志

### 卷十一

古蹟志 坊表

五

- 一在五和墟光緒廿六年湯澤林之妻張氏建
- 一在石湖鄉光緒廿六年湯可沛之母張氏建

#### 百歲坊

- 一在華嶺村駱有顯之妻鄭氏建
- 一在上古嶺村光緒五年侯耀光之妻梁氏建
- 一在田心庄光緒二十九年歐陽善聰之妻劉氏建
- 一在茶塘村光緒三十二年湯銘振建